

præscribit, ne Astrologi absentibus arbitris alijus mortem prædicarent, quanquam ipse Themafium natalitium publice proposuit. *Dio lib. 56.* Biennio post *Asinius Pollio* Orator & Consularis anno ætatis 80. in villâ suâ Tusculanâ ex hac vita migravit, *Tacitus: Eusebius.* Sotio Alexandrinus, Philosophus Pythagoræus innotescit. Moritur quoque *Augustus Cæsar* Nolæ 19. Augusti. Succedit *Tiberius* privignus. 3965. 16. Senatusconsultum factum die 14. Septembris de Mathematicis Magisque Italiâ pellendis. *Tacit. 2. Annal. c. 31.* *Ovidius* hoc aut sequente anno vivere desit, ut & *Titus Livius* anno 3967. 18. postquam ad ætatis annum 76. pervenisset. *C. Lutorius Priscus* anno 3970. 21. ob carmen in Germanici obitum, & aliud in *Drusi* consulatum, Senatusconsulto in carcerem conjicitur & exanimatur. *Strabo* Cosmographus his temporibus floret. 3973. 24. *Cassius Severus* ob maledicentiam ante 17. annos in Cretam missus, hoc anno in Saxum Seriphium ablegatur, quia à maledicentia sua desistere volebat. Annus, qui sequitur exitio fuit *Crematius* Poëtæ, qui damnatus fuit, libri ejus publicè crematis, quod *Brutum*, & *Cassium* ante septuaginta annos vitâ functos laudasset: libri tamen ad posteros emanârunt ridentes eorum stultitiam, qui præfenti potentia sequentis ævi memoriam extinguere posse putant. *Tacit. lib. 2. Annal. cap. 34.* Floruerunt histemporibus ex Hispania oriundi & Romæ viventes, *Pomponius Mela*; *L. Moderatus Columella* R. R. Scriptor, 3982. 33. CHRISTUS CRUCIFIGITUR, MORITUR, SEPELITUR, ET RESURGIT. 3285. 36. *Fenestella* Historicus & Annalium Scriptor extremo *Tiberii* Principatu moritur. Sequenti anno *Tiberius* Imperator vitam exiit, Imperium Romanum *Caligula Germanici* filio relinquens. *Iosephus* Historicus nascitur, quo tempore etiam vixit *L. Annæus Seneca* Philosophus. 3990. 41. *Caligula* Imperator occiditur à *Cassio Chærea*, & *Lupo* ac successorem habet *Tiberium Claudium Drusi* filium. 3993. 4. *Domitius Afer* Nemaufensis Rhetor floruit, postea Nerone regnante suffocatus, cum cibum avidius deglutiret. 3997. 48. *Q. Curtius Historicus*, & *Asconius Pedianus* secundus floruisse circa hæc tempora *Lipso* videntur.

A.M. 4000.  
Post C. N.  
51.

Anno primo sæculi Primi post annum à Creato Mundo quater millesimum de Mathematicis, sub quibus & Judæi comprehensi, ut ex Romana historiâ patet, Italiâ pellendis factum Senatusconsultum sed irritum. *Tacit. 12. Annal. cap. 52.* Anno tertio *Claudius* Imperator ab *Agrippinâ* uxore & *Xenophonte* Medico interfectus est, cui successit *Nero Claudius Drusus Agrippinæ* filius. Sexto *Statius Surculus* Tolosensis in Galliâ Rhetoricam docet. *Eusebius.* Undecimo *Persius* Poëta annos 29. novem habens ex vitio stomachi, ut *Interpres* ejus docet, ex hac vita abiit. Biennio post *Mysonius Babylonius* Philosophus in carcere, in quem à *Nerone* conjectus fuerat, vitæ finem invenit. Alius hujus nominis sub *Domitiano* vixit. Decimo quarto *Seneca* Philosophus celeberrimus, qui *Neronis* Præceptor fuerat, ab hoc ne-

fario suo discipulo mori jussus venas sibi in brachio & pedibus aperiendas curavit, atque ita expiravit. Decimo septimo, qui fuit 68. post C. N. *Silius Italicus* Poëta celebris, qui Bellum Punicum descripsit, Consul Romæ fuit, cum *M. Galerio Turpiliano*, quos *Nero* removit solus Consulatum administrans, & seipsum interficiens, cum ab omnibus se deserere videret. In ejus locum *Galba* venit, quem subsequente anno occidit *M. Salvius Otho* sibi ipsi mortem consciscens, postquam à *Vitellio* ad *Bebricum* victus esset, anno hujus sæculi decimo octavo, quo *Vitellius* Romæ occisus est Imperium cecidit *Vespasiano* Imperatori. Hic anno sequente per *Titum* filium Hierosolymam evertit, & excidit, atque anno 22. Philosophos Stoicos, quod homines in varias sententias publicis suarum disputationum & rixarum digladiationibus traherent, urbe Româ eiecit. Secundo post hunc elapso anno *Asconius Pedianus* Historicus alius ab eo, qui *Virgilio* familiaris in *Orationes* *Ciceronis* commentatus est, anno ætatis 73. luminibus capitur, & duodecim annis post moritur. *C. Plinius Secundus* Naturalis Historiæ Scriptor his temporibus in vivis fuit, ut & *Sextus Iulius Gabinianus* Rhetor celeberrimus, cujus meminit *Hieronymus* lib. 8. in *Isaiam*. *Peregrinus* Philosophus Ethnicus fit Christianus, & in carcerem conjectus magnam à cæteris Christianis Eleëmofynam nanciscitur. Postquam magnam vim pecuniæ collegisset, ad Ethnicismum rediens, Satis sibi viatici, inquit, esse in hospitalitate Christianorum. *Eusebius.* Vigesimo octavo anno Patrem *Vespasianum* mortuum in Imperio sequutus est *Titus Vespasianus*, febri extinctus biennio post, *Domitiano* tratri Imperio relicto, qui anno 32. insecatur Philosophos, plurimos Philosophiæ & Oratoriæ facultati deditos interficiens, & reliquos Italiâ exterminans. Floruerunt hoc tempore *Juvenalis*, *Martialis*, & alii Poëtæ: *Epictetus* Philosophus etiam Romæ docuit. Vixit quoque *Statius Papinius* Neapolitanus Poëta, *Sylvarum*, *Thebaidos*, & *Achillidos* Scriptor. Trigesimo quarto anno moritur *Anianus*, postquam 22. annos apud Alexandrinos docuisset. Tertio post hunc anno *Cornelius Tacitus* Historicus Romæ Præturam gessit. Sequenti *Apollonius Tyaneus* Magus Romam evocatur, tondetur, in carcerem conjicitur. *Domitiano* sistendus evanuit, & Puteolis improvisus apparuit. Anno 404. 1. post C. N. 92. *Agrippa* Mathematicus, cujus *Ptolemæus* meminit, in Bythinia ultimam Pleiadum Meridianam operiri à Luna vidit. *Ptolem. lib. 7. cap. 3.* Ferè eodem hoc tempore in urbe Roma commoratus est *Menelaus* Geometra cujus apud *Ptolemæum* extant observationes. Quadragesimo quarto *Flavius Iosephus* suum opus absolvit ætatis anno 56. *Proclus* quidam in Germania *Domitiano* diem mortis prædixerat. Captus & ad *Domitianum* missus in carcerem conjectus est, ut ibi tamdiu detineretur, donec dies ille præterisset, quo ipso sequenti anno veniente hic Imperator trucidatus est. *Apollonius* Magus Ephesi in foro cum eo ipso die & horâ orationem

Stoici Româ eiecit.

Agrippa.

Menelaus.

nem haberet ad populum, in media oratione subito quasi attonitus exclamavit, *Percute Tyrannum*; & paulò post, *Confidite*, inquit, *Tyrannus occisus est.* *Cocceus Nerva* Imperator factus est, sequente anno quadragesimo septimo, & post C. N. 98. mortuus, cum sextum supra sexagesimum ætatis annum absolvisset. In Imperio successor fuit *Ulpus Trajanus*, sub quo vixit *Iustus Tiberiensis* historiæ Judaicæ à *Mose* usque ad *Agrippam* ultimum Regem Judæorum Scriptor; ut & *Favonius* Philosophus frequente *Cællii* mentione celebris, ac *Plinius Junior* proconsul anno quinquagesimo primo in Bithyniam missus, cujus epistolæ extant. *Lucianus* quoque blasphemus ille Sophista, qui Antiochiæ Christianus concionator ad gentiles defecit, Deos & homines risit, & tandem à canibus dilaceratus est. *Suidas* ipsum circa hæc tempora vixisse ait, quamvis septuaginta annis posterior fuisse videatur, si ad scripta ejus attendas. 4055. 106. *Lucius Valerius Pudens* tredecim annorum puer ob claritatem ingenii coronatus est inter Poëtâs Latinos in Agone Capitolino Sexto omnium judicum sententiis. *Trajanus* Romæ Bibliothecam construxit. 4066. 117. *Phlegon* Olympiadum Scriptor Androgynon se hoc anno Romæ vidisse tradit. Biennio post mortuus profluvio ventris *Trajanus* Imperator anno ætatis 64. Imperium verò nactus est *Hadrianus* quem *Trajanus* adoptaverat. Sequenti anno *Euphrates* Philosophus Stoicus morbo, & senio confectus potestate petiit ab *Hadriano* cicutæ bibendæ, nefactum sibi post mortem ignominiosum esset, sponte è vita abiit. *Plutarchus* *Cheronæus* Historicus *Sextus Antonini* Præceptor, & *Agathobulus* florent 4073. 124. *Hadrianus* Homeri carmina conatus est abolere: *Apollodorus* insignem Architectum primum exilio multavit, deinde interfecit. Circa hoc tempus *Suetonius* Historicus Magister Epistolarum fuit *Hadriani* Imperatoris. Acerimo odio Christianos persequutus est, quorum meminit in *Nerone* his verbis: *Quod sint genus hominum superstitionis novæ & maleficæ.* Septuagesimo septimo hujus sæculi in Millenario quarto primi anno *Iustinus* Philosophus Ethnicus ad Christianos se confert. Octogesimo quarto *Rabbi Akiba* floruit, *Bar Cochba* filium stellæ Messiam esse putans. A Romanis excarnificatus fideculis obiit. *Thalmud.* Fuit quoque his temporibus clarus *Philo* Grammaticus. *Scalig.* Octogesimo septimo morte abreptus est *Hadrianus* Imperator anno ætatis 63. Imperii verò molem in se suscepit. *Antoninus Pius.* Paulò ante annum 89. hujus sæculi desinit historia *Phlegonis Tralliani*, qui libertus *Hadriani* Olympiades Græcorum descripsit. *Pausanias* historiam suam paulò post *Trajanum* tempora Græcè conscripsit. Floruerunt *Aquila* Bibliorum Interpreter, *Domitius Labeo*, *Nervatius Priscus*, *Salvius Iulianus* Jurisconsulti, *Galenus* Medicus, & alii. *Mesomedes* Musicus, qui de modulis Musicis præcepta tradidit. Huic Salarium *Antoninus* minuit, dicens: *Nihil sordidius, nihil crudelius esse quam si Respublica ab iis aroderetur, qui nihil in eam labore suo conferrent.* *Iul. Capitol.* Maximus Tyrus bis Romæ fuit semel anno 95. & alterâ vice sub *Commodo* Imperatore. Se-

quente nonagesimo sexto *Arrianus* Nicomediensis Philosophus floret. *Apollonius* Chalcidicus Philosophus ab Antonino Pio Romam evocatus *Marcum Aurelium Cæsarem* in Philosophicis instituit, tantos in iisdem progressus facientem, ut postea Philosophus dictus fuerit. Idem cum *Maximo Tyrio Lucium* Cæsarem bonis artibus imbuat, 4099. 150. *Iustinus* Religionem Christianam Apologetico scripto defendit. *Crescens* Philosophus Cynicus homo impurissimus tandem effecit, ut *Iustinus* Martyrio postea coronaretur.

Hactenus Literarum studia Athenis, quò Romani studiorum causâ excurrere soliti, & ipsum studium Mathematicum jam ab *Hipparcho* usque ad hæc tempora Alexandriæ in Ægypto maxime floruerunt, nec aliquot sæculis post florere desierunt. Fuit autè *Ptolemæus Theon Senior* Mathematicus, Smyrnâ oriundus, qui Alexandriæ motuum cœlestium observationibus laborem suum impendit. Eum paulò post sequutus est *Claudius Ptolemæus* sub Imperatoribus *Hadriano* & *Antonino Pio* antè & post annum à nato *Christo* centesimum trigessimum indefesso studio, & indefinentibus observationibus Astronomicæ scientiæ expoliendæ omnes ingenii nervas intendens. Inciderunt autem in manus ipsius *Hipparchi*, qui quasi rudera quædam nobilia collegisse videtur, labores & observationes, quas cum suis conferens incepit Hypotheses certas construere, & Tabulas motibus quinque reliquorum Planetarum idoneas concinnare, quamvis initio subtimidiore laborem tantum aggressus fuerit ob nimium paucas, & temporis non satis diuturnas observationes, non audens sibi suarum Tabularum in longum tempus firmam certitudinem polliceri. *Tempus*, inquit *lib. 9. cap. 2. ex quo Planetarum observationes habemus conscriptas*, adeo breve est, ut infirmam faciat prædictionem in longum tempus. Et postea, *Quamobrem*, inquit puto, *Hipparchum veri anantem* (*Φιλαρνή* frequenter ipsum appellat) cum propter hæc omnia, tum maxime quia tot veras à *Priscis* observationes non habuit, quot ipse nobis exhibuit, *Sola quidem ac Lunæ suscepisse negotium*, atque id peragimotibus æquabilibus circularibusque, quantum fas fuit, demonstrasse; At Planetarum quinque negotium, quantum commentarii ipsius, quos videre nobis contigit, ostendunt, non suscepisse sanè, sed observationes circa ipsos factas & commoliare serie collegisse, & ex ipsis planum fecisse, non congruere apparentiâ Hypothesibus, quibus Mathematici ejus temporis utebantur. Et mox postquam ostendit, aut cæteros nihil omnino demonstrasse, quod ad rem faciat, aut susceptum negotium reliquisset imperfectum: *Ipsæ autem*, inquit, *cogitavit, cum reverà eximie disciplinas omnes calletet, non debere se aliorum instar, id aggredi, quod perducere ad exitum non posset.* Ex omnibus igitur Mathematicis, qui hactenus vixerunt, *Ptolemæus* primus fuit, qui ex suis & aliorum observationibus Planetarum motus in Hypotheses & Tabulas certas digessit, & loca Planetarum à cæteris crassio quodam modo definita certiore & firmiore ratione designavit. Ex laboribus autem hujus viri tanti nunquam satis laudatis natum est opus illud *μεγίστος συντάξις* celebritimum, quo libris tredecim abfoluto, omnia ferè, quæ ad totam

studium Mathematicum.

Theon Senior.

Claudius Ptolemæus.

(dd)

totam